

## Kalviu pēlekalnis

Tēn, kor Švēntuoji tīle tek,  
Ēivas, žilvite pouš anuos krontus,  
Tēis Kalves ana staigi vingi met,  
Stuov oužoula, skulptūras – primēn senus laikus.

Žemaite so žombes če žemē arē,  
Augēna douna, kepē kvepontē rogēnē,  
Taikē gīvena, nenuoriejē kara,  
Muokē palēkuonis, kap mīlietē Tēvīnē...

Priešus anēj ne vēina karta gēnē –  
Kariava vēsē vīrā ēš petēis.  
Nuors bada, šalti kartās ē kēntiejē,  
Tačiau bova stēprē ēš praeitēis.

Če kažkumet ē Sēmuons biegiuojē,  
Klausies skombiu gēismiu lakštingaluos,  
Sosēmastēs po baltās beržās rīmuojē,  
Siemies stiprībēs ēš omžiu gēlomuos...

Atmink, mēils praeivi, vēsaduos,  
Kad ont šiuos nedēdēlēs žaliuos kalvuos,  
Mūsa buoče, probuoče kētaduos  
So priēsās kariava ē gēnē garbē Lietuvuos...